

ԱՐՇԱՄ ԽՈՆԴԿԱՐԵԱՆ

ՕՊՈԶԻՑԻԱՆ ՀԱՆՐԱՊԵՏԱԿԱՆ ՀԱՅԱՍՏԱՆՈՒՄ

II

ՊԵՏԱԿԱՆ ԽՈՐՀՐԴԻ ԱՆԴԱՄ

Ծովագրութիւնը չկարողացաւ մինչեւ վերջն էլ լուծել իշխանութեան հարցը, եւ այդ եղաւ նրա կործանման պատճառներից մէկը: Յարական իշխանութեան տապալման հէնց առաջին օրից Պետերբուրգում ստեղծւեց երկիշխանութիւն՝ ժամանակաւոր կառավարութիւնը և Խորհուրդները: Նոյնը եղաւ նաև Անդրկովկասում, որտեղ Օգակոմի (ժամ. կառավարութիւնը ներկայացնող մարմին) և տեղական յեղափոխական կազմակերպութիւնների (խորհուրդների) վրա, 1917թ. վերջերին, աւելացան նաեւ Հայոց, Վրաց եւ մահմետականների Ազգային Խորհուրդները: Դրանցից առանձնապէս շեշտած գործունէութիւն հանդէս բերեց Հայոց Ազգային Խորհուրդը և այդ պատճառով էլ ամենից շատ նա ուշադրութիւն գրաւեց իր վրա: Ինչպէս տեսանք այս յօդւածաշարքի առաջին գլխում, յեղափոխական կազմակերպութիւնները Անդրկովկասում հէնց սկզբից ձգտեցին եւ մասամբ էլ յաջողեցան իրենց ձեռքն առնել տեղական ամբողջ իշխանութիւնը, չեղոքացնելով մրցակից միւս մարմինները: Այս ձգտումը պատճառ եղաւ, որ այդ կազմակերպութիւնները խորթ աչքով նայեն Ազգային Խորհուրդների գոյութեան ու գործունէութեան: Սակայն, այն էլ պէտք է ասել, որ բացասական այդ վերաբերմունքը երբեք ծայրայեղութեան չհասաւ, եւ սոցիալիստական կուսակցութիւնները (սոց.-յեղ. եւ սոց.-դեմ.) չարգելեցին իրենց անդամներին մասնակցելու համապատասխան Ազգ. Խորհուրդներին: Եւ մենք ու մեզ հետ միասին նաեւ հայ սոց.-դեմոկրատները տւինք մեր ներկայացուցիչները թէ՛ սեպտեմբերի վերջերին (1917թ.) Թիֆլիսում գումարւած Ռուսահայերի համագումարին եւ թէ այս վերջինիս կողմից ընտրւած Ազգ. Խորհրդին: Այսուհանդերձ, պէտք է աւելացնել նաեւ այն, որ Ազգ. Խորհուրդների իրաւասութիւնների

Նկատմամբ, մենք այդ շրջանում միշտ այն տեսակէտը պաշտպանեցինք, որ նրանք պէտք է լինեն միայն օժանդակիչ մարմիններ եւ ոչ թէ մրցակիցներ յեղափոխական կազմակերպութիւններին։ Սէյմի շրջանում, երբ նսեմացաւ խորհուրդների գերը եւ Անդրկովկասի իշխանութիւնը այս վերջինների ձեռքից անցաւ աղդութիւնների ներկայացուցիչներից բաղկացած կոմիսարիատին ու կառավարութեան, մեր բացասական վերաբերմունքը դէպի Ազգ. Խորհուրդները է՛լ աւելի մեղմացաւ։ Երբ որ իրերի գժբախտ դասաւորութեամբ դրութիւնն այնպէս էր փոխւել, որ պէտք էր ընտրութիւն անել Սէյմի կամ Ազգ. Խորհուրդների միջեւ, մենք որեւէ պատճառ չունէինք գերադասութիւնը տալու առաջինին։

Բնորոշ է, որ նոյն այս շրջանում նաև Դաշնակցութեան մէջ երեւան եկան բաւական շեշտած տարակարծութիւններ այն մասին, թէ ինչպէս պէտք է բաշխել իրաւասութիւնները (փատօրէն) Անդրկովկասեան կառավարութեան եւ Ազգ. Խորհուրդի միջեւ։ Որոշապէս ուրագծեցան երկու խմբակներ, երկու տարրեր տեսակէտներով։ Դրանցից մէկը, որ պայմանական ձեռով ես անւանում են «Ազգային Խորհրդի խմբակ», այն կարծիքին էր, թէ պէտք է ուժեղացնել Ազգ. Խորհուրդը, դարձնել այն հայ ժողովրդի փաստական կառավարութիւնը եւ «ձեռքի տակից», առանց հաշւի առնելու կոմիսարիատն ու Սէյմի իշխանութիւնը, դեկավարել հայ ժողովրդի քաղաքական կեանքը իր բոլոր մարդերի մէջ։ Միւսը՝ «Սէյմի խմբակը», դէմ չլինելով Ազգ. Խորհրդի գործունէութեան ուժեղացման, միաժամանակ այն կարծիքն էր պաշտպանում, որ պէտք է պահել որոշ կոնտակտ վրացիների ու ազրբէջանցիների հետ եւ շարունակել պահպանել Սէյմն ու անդրկովկասեան միացեալ կառավարութեան գոյութիւնը՝ խուսափելով հակամարտութեան մէջ մտնել նրանց հետ։ Այս տարակարծութիւնները վերջացան վէճի առարկայ եղող հարցի մի շատ իւրայատուկ լուծումով։ Երբ արդէն նշմարւում էր երկրորդ տեսակէտի յաղթանակը, և Դաշնակցութիւնը օրէցօր աւելի ու աւելի էր միբջւում համանդրկովկասեան (Սէյմ) գործունէութեան մէջ, տեղի ունեցաւ վրացիների մայիս 26ի յայտնի ժուդէտան, որի հետեւանքով Հայոց Ազգ. Խորհուրդն էլ դարձաւ «հայկական գաւառների գերագոյն և միակ իշխանութիւնը» և «ատանձնեց կառավարական բոլոր փունիցիաները՝ հայկական գաւառների բաղաքական և վարչական դեկը վարելու համար»։

Այսպիսով, իրերի բերումով, հայ քաղաքական կեանքը, իր սկզբնաւորութեան հէնց առաջին օրերից, խուսափեց այն երկիշխանութիւնից, որ փետրւարեան յեղափոխութեան հետ միասին առաջ

եկաւ թէ՝ Պետերբուրգում եւ թէ Թիֆլիսում։ Հայոց Ազգ։ Խորհուրդը, որպէս գերագոյն իշխանութիւնը կրող մարմին, եղաւ միակը եւ չունեցաւ որեւէ մրցակից՝ խորհուրդների եւ կամ յեղափոխական այլ կազմակերպութիւնների անւան տակ։ Անսահմանօրէն լայն եղան (իրաւորէն, անշուշտ, եւ ոչ փաստորէն) նրա իրաւունքները նաեւ այն պատճառով, որ Ազգ։ Խորհրդի ձեռքում կենարոնացան ոչ միայն վարչական, այլ նաեւ օրէնսդրական «Փունկցիաները»։ Ինչ վերաբերում է նրա կազմին, ապա յայտնի է, որ նա չեղաւ միատարր, քանի որ նրա մէջ իրենց մասնակցութիւնը բերին հայկական բոլոր կուսակցութիւնները, բացի համայնավարներից։ 1918թ. մայիսի վերջին, երբ Անդրկովկասը մասնատւեց երեք ազգային միաւորների, Արամեանցի տունը դարձաւ հայկական բոլոր կուսակցութիւնների միակ կենտրոնավայրը։ Այստեղ տեղափոխւեցին ոչ միայն ազգային կազմակերպական ձեւ ունեցող Դաշնակցութեան, այլ նաեւ միջազգային կազմակերպական ձեւ որդեգրած երկու սոցիալիստական կուսակցութիւնների (սոց.-յեղ. եւ սոց.-դեմ.) հայ անդամների մեծ մասը։

Ի՞նչպէս վերադասաւորւեցին Ազգ։ Խորհրդում հայ քաղաքական կազմակերպութիւնների ուժերը եւ ի՞նչ փոխյարաբերութիւններ ստեղծւեցին նրանց մէջ։ Վերը ասւեց, որ Ազգ։ Խորհրդը կազմւեց քուլիսինի սկզբունքի հիման վրա, ինչ որ նշանակում է, թէ այս դէպքում որեւէ օպոզիցիայի կամ կառավարական կուսակցութեան մասին խօսի լինել չէ կարող։ Ընդդիմադիր գործունելութիւն, բուն իմաստով, մենք ունեցանք միայն Հայաստանում, երկու ամիս յետոյ, երբ խորհրդարանի բացումով, մեր երկրում հաստատւեցան պարլամենտական կարգեր։ Հայոց Ազգային Խորհրդը, թիֆլիսեան իր գործունելութեան ամբողջ ընթացքում, ներկայացնում էր ազգային միացեալ նակատ, որի մէջ պատասխանատու դեր ունեին մեր բողոք կուսակցութիւնները։ Շնորհիւ մի շարք առարկայական սպայմանների այդ կուսակցութիւնների համագործակցութիւնը յիշեալ ըրջանում ընթանում էր միանգամայն բնականոն սպայմաններում։ Կային, անշուշտ, տարակարծութիւններ այս կամ այն ընթացիկ հարցի շուրջը, բայց հիմնական խնդիրները այնպիսի մի կերպարանք էին ստացել, որ մէկից աւելի լուծում գժւար էր գտնել նրանց համար։ Նախկին դէպքերը, որոնք զարգացել էին անդրկովկասեան միացեալ կառավարութիւնների ժամանակ, թաթարա-վրացական գերակայ ուժերի հակազդեցութեան տակ, այնպիսի մի ընթացքի մէջ էին դրել այդ խնդիրները, որ կանխորոշւածից որեւէ տարբեր մի ուղղութեամբ նրանց թեքել այլեւս կարելի չէր։ Նման պարագաներում ոչ միայն

տեղ չէր մնում կուսակցական պայքարների համար, այլ եւ շատ յաճախ աւելորդ էին դառնում խնդիրների երկար ու բարակ քննութիւնը: Յիշում եմ մի փոքրիկ դէպք, վերին աստիճանի յատկանշական Ազգ. Խորհրդում ստեղծւած այդ ժամանակւայ մթնոլորտի համար: Անհաշտներից ամենահաջաշտը, հայ սոց. գեմոլրատների պարագլուխ Ա. Երզնկեանը (այսօր կոմունիստական կուսակցութեան եւ Ժողկոմիտուհի անդամ), ամենածնաժամային վայրկեաններից մէկում, դալով Ազգ. Խորհրդի հերթական նիստին, դիմեց ներկայ եղող անդամներին հետեւեալ խօսքերով. «Եղբայր, ասպիսի դրութեան մէջ, էլ ժողովս ո՞րն է: Եկէք և. Կարծիկեանին ընտրենք դիկտատոր եւ թող նա ինչպէս ուղղում է, այնպէս էլ կարգադրի բոլոր հարցերը»: Այս մտայնութիւնը, աւելի կամ պակաս չափով, դերիշիում էր նաեւ միւս հոսանքների ներկայացուցիչների մօտ:

Ո՞րնք էին, սակայն, այն ինդիրները, որ մեր պատմութեան այդ ծանր վայրկեանին դրւեցան Ազգ. Խորհրդի առջեւ:

Դրանցից գլխաւորներն էին ներքին ճակատում՝ հայ քաղաքական կեանքի կազմակերպումը եւ արտաքին ճակատում՝ պատերազմի հաշվեյարդարը:

Ի՞նչպէս էին մօտենում այդ հարցերին քոալիսիոնի մէջ մտած կուսակցութիւնները, եւ ի՞նչ լուծում տւեց նրանց Ազգ. Խորհուրդը:

Ինչպէս որ մատնանշւեց վերը, 1918թ. մայիսի վերջերին հայ քաղաքական կեանքում ստեղծւել էին այնպիսի պայմաններ, որ նոյն խոկ ամենակարեւոր խնդիրների լուծումը որեւէ վէճ չէր վերցնում: Եւ հակառակ տարածւած կարծիքի, ևս պէտք է այստեղ վկայեմ, որ Հայոց Ազգային Խորհրդի մայիս 30ին յայտարարած ակտն էլ ընդունւեց նոյն այդ Խորհրդի կողմից առանց ներքին պայքարների: Կային, անչուշտ, աննշան տարակարձութիւններ մանրամասնութիւնների շուրջը, բայց ուշագրաւ է, որ այդ տարբեր կարծիքները բաժանում էին ոչ թէ ըստ կուսակցութիւնների, այլ համաձայն նոր խմբաւորումների, որոնցից իւրաքանչիւրի մէջ մանում էին զանազան կուսակցութիւնների անդամները: Եթէ «թերի» եւ «դէմի» խօսք կարելի է անել, ապա պէտք է ասել, որ մասնաւորապէս Ազգ. Խորհրդի դաշնակցական անդամները բաժանւած էին թէ՛ մէկ եւ թէ միւս խմբակցութեան մէջ*): Խոկ ինչ վերաբերում է բուն խնդրին, այսինքն այն հարցին, թէ Ազգ. Խորհուրդը պէտք է «ստանձնէ կառավարական Փունկցիաներ» հայկական դաւառների նկատմամբ, ապա շատ մեծ իմաստութիւն չէր պահանջւում հասկանալու համար, որ

*) Տես Ս. Վարցեանի «Հայաստանի Հանրապետութիւն» էջ 130:

այդպիսի հարց գնելն անզամ անտեղի էր այն ժամանակ, քանի որ նա արդէն լուծւել էր վրացիների ընդունած ու գործադրած որոշումով՝ դուրս գալ անդրկովկասեան միացեալ հանրապետութեան կաղմից ու հիմնել անկախ պետութիւն։ Եւ իրօք՝ ի՞նչ էր մնում անել դրանից յետոյ Հայոց Ազգային Խորհրդին։ Շարունակե՞լ ազրբէջանցիների հետ պահպանել անդրկովկասեան միացեալ կառավարութիւնը։ Այդ անհնար էր, թէ կուլ հէնց այն պատճառով, որ թաթարները չէին ուզում։ Յայտարարե՞լ, որ հայկական գաւառները վերականգնում են իրենց կապը Ռուսաստանի հետ և ճանաչում են այնտեղ դոյութիւն ունեցող իշխանութիւնը։ Բայց այդ նշանակում էր, որեւէ իրական կապ չվերահաստելով Ռուսաստանի հետ, դրկել այդ գաւառները պետական իշխանութիւնից և դարձնել նրանց այսպիսով «անտէր իր» ու իրաւունք տալ ամէն մէկին գրաւել այդ հողերը, ով որ չէր ծուլանայ այդ անել։ Այլ լուծում չկար եւ մնում էր, ուրեմն, այն ծանօթ ելքը, որին եւ ապաւինեց Ազգ։ Խորհրդարդը։

Այսօր, երբ կուսակցական սպայքարի եւ կուսակցական պրոպագանդի շահէրից մեկնելով, մարդիկ պէտք են տեսել «առասպելացնել» մեր մօտիկ անցեալի պատմութիւնը, մեր կեանքում շրջան է անում այն զրոյցը, որ իրը թէ 1918թ. մայիս 28—30ին (ըստ Ա. Խատիսեանի 28ին, իսկ ըստ Ս. Վրացեանի 30ին) Ազգ. Խորհրդարդը հոչակել է Հայաստանի անկախութիւնը եւ որ գրան դէմ են եղել որոշ մարդիկ ու խմբակցութիւններ և մասնաւորագէս հայ ս.յեղափոխականները*։ Այս յայտարարութեան առաջին մասը, իր վերոյիշեալ ձեւակերպումով, ինչպէս կը տեսնենք յետոյ, չէ համապատասխանում իրականութեան, իսկ ինչ վերաբերում է նրա երկրորդ մասին, ապա այդտեղ նոյնպէս կայ մի խոշոր թիւրիմացութիւն, որ անհրաժեշտ է հարում պարզել։

Անդրկովկասեան անկախութիւնների նկատմամբ սոցիալիստական կառավարութիւնը պայմանական հակառակորդների համբաւ։ Սակայն, ինչպէս որ տարբեր են եղել անկախութեանց այս ակտերի (թւով չորս՝ Անդրկովկասի եւ ապա Վրաստանի, Ազրբէջանի ու Հայաստանի) յայտարարման պայմաններն ու նրանց նշանակութիւնը, այնպէս էլ տարբեր է եղել գրանցից իւրաքանչիւրի հանդէպ մեր ցոյ տւած բացասական վերաբերմունքի տարողութիւնն

*) Ա. Խատիսեանը գրում է իր «Հայաստանի Հանրապետութեան Ծագումը ու Զարգացումը» գրքի մէջ (էջ 68), որ անկախութիւն յայտարարելու կողմնակից են եղել Ազգ. Խորհրդի մէջ մասնակցող բոորդ կուսակցութիւնները։



ԲԺ. Յ. ԶԱՀԻՐԵԱՆ

ու սրակը : Ամենից շատ եւ ամենից ուժգին մեր ընդդիմադրութիւնն ու հակառակութիւնը եղել է հանդէս ապրիլ 9(22)ի ակտի (Անդր-կովկասի անջատումը Ռուսաստանից եւ անկախ հանրապետութիւն յայտարարելը) , իսկ բոլորից քիչ՝ Հայոց Ազգ . Խորհրդի մայիս 30ու թւարկած եւ 31ին հրատարակած Յայտարարութեան դէմ : Եւ այդ հետեւեալ պատճառներով :

Անդրկովկասը անկախ յայտարարելուն մենք դէմ էինք ոչ թէ մեկնելով ուսւ պետականութեան շահերից , ինչպէս փորձում էին տարածել բանավէճերի ժամանակ մեր հակառակորդները , ոյլ ի նկատի ունենալով անդրկովկասեան ժողովուրդների բարօրութիւնն ու ապահովութիւնը : Բնդունելով հանդերձ , որ բոլեւիկեան յեղաշրջման ու զօրածակատի քայլքայման հետեւանքով Անդրկովկասի համար ստեղծւել է վերին սատիճանի ծանր կացութիւն , մենք միեւնոյն ժամանակ այն խորը համոզմունքն ունէինք , որ վրաց սոցիալ գեմոկրատների առաջարկած միջոցը՝ յայտարարել Անդրկովկասը անկախ հանրապետութիւն որեւէ կերպով չէ կարող հանել երկիրը այդ ծանր դրութիւնից : Աւելին՝ մենք գիտէինք , — եւ մեզ հետ միասին շատ շատերը , — որ այդ անկախութիւնը էլ աւելի մեծացնելու է դժւարութիւնները թէ՝ արտաքին եւ թէ ներքին ճակատներում : Մասնաւրապէս հայ էս-էսներս , որպէս աւելի ծանօթ Անդրկովկասի պայմաններին , զգում ու տեսնում էինք , որ մեր ժողովուրդին սպառնացող վտանգը Աէյմի որոշումով էլ աւելի անմիջական ու մօտահաս էր գառնում եւ այդ պատճառով էլ մենք այս խնդրում աւելի անհաշտ դիրք էինք բոնել , քան մեր ուսւ ընկերները :

Մեր կուսակցութեան համար գաղտնիք չէր եւ այն , որ Անդրկովկասի անկախութեան հարցը լուծեւել էր Սէյմում նստած կուսակցութիւնների վերին խաւերի կողմից եւ որ նրանց շարքային անդամներն ու մանաւանդ անկուսակցական լայն գանգւածները դէմ էին այդ ակտին : Մասնաւրապէս մենք գիտէինք , որ վրաց սոցիալ-գեմոկրատների վարիչ մարմինը՝ նրանց Շրջանային Կոմիտէն անկախութեան որոշումը ընդունել էր երկարատեւ վիճաբանութիւններից յետոյ եւ ճայների նույն մեծամասնութեամբ : Ինչ վերաբերում է Դաշնակցութեան , բոլորի համար պարզ էր , որ նա գործում էր այս խնդրում «ոչ թէ խղճի մտօք , այլ հարկագրաբար» : Այս ամենը նսեմացնում էր ապրիլ 9(22)ի ակտի նշանակութիւնը , դցում էր նրա վարկն ու հեղինակութիւնը զանգւածների աչքին ու թեւաւորում անկախութեան հակառակորդներին իրենց պայքարի մէջ :

Մեր կուսակցութեան պաշտօնաթերթ «Զեամեա Տրուդա»ն , իր ապրիլ 13ի խմբագրականի մէջ , անդրագառնալով Աէյմի ապրիլ 9ի

նիստին, գրում էր, «որ այնտեղ տեղի ունեցած քւէարկութիւնը եւ սոսացւած մեծամասնութիւնը պէտք է բացատրել մի շարք պատպհական հանդամանքներով», որ «չ միայն ժողովրդական լայն զանդւածները, այլ նաեւ շատերը այն կուսակցութեանց անդամներից, որոնք քւէարկեցին յօգուտ Անդրկովկասի անկախութեան, դէմ են ընդունւած որոշման»: Եւ արձանագրելով այս փաստը, մեր պաշտօնաթերթի այն միտքն է յայտնում, «որ սոց.-յեղ. կուսակցութեան վրա պարտականութիւն է ընկնում «համալիմբել նրանց ովքեր դէմ էին ապրիլ 9(22)ի ակտին, առաջնորդիլ շարժումը ու մտցնել նրա մէջ գաղափարական որոշ հոսանք», աւելացնելով միաժամանակ, «որ «կուսակցական յարաբերութիւնները արգելվ չպիտի հանդիսանան այդ միացցման»: Այս մի քիչ քօղարկւած խօսքերի խմաստը պարզ է՝ մեր կուսակցութիւնը գործօն պայքարի հրաւէր էր կարդում Անդրկովկասի անկախութեան դէմ, ուղղելով իր կոչը ոչ միայն էսէռներին, այլ նաեւ այն բազմաթիւ դաշնակցականներին ու սոց.-դեմոկրատներին, որոնք այս խնդրում բաժանում էին մեր տեսակէտները:

Այժմ, երբ առիթ է ներկայացել, ես պէտք է յայտնեմ, որ վերոյիշեալ խմբագրականը այն սովորական յօդւածներից չէր, որոնք կոչւած են յաւուր պատշաճի տրամադրութիւններ յարուցանել ընթերցողների մէջ, այլ արդիւնք էր մի շատ կոնկրէտ ծրագրի, որ մեր Շրջանային Կոմիտէի օրակարգի մէջ էր մտել այդ օրերին: Հաշւի առնելով Սէյմի որոշման առաջ բերած ղժգոհութիւնները լայն զանգվածների մէջ՝ մեր զեկավար մարմնի մի քանի անդամները եւ մասնաւանդ Ծուսաստանից Թիֆլիս եկած մի երկու պատասխանատու ընկերներ (Պետերբուրգի քաղաքագլուխ Գր. Շրէյդեր, Հիւսիսային կովկասի յայտնի գործիչ Մամուլեան եւ այլն) առաջարկում էին դուրս դալ Սէյմի կառավարութեան դէմ, տապալել այն եւ իշխանութիւնը փոխանցել այն տարրերի ձեռքը, որոնք դէմ էին Անդրկովկասի անկախութեան: Այս ծրագիրը գործի չվերածւեցաւ, եւ այդ գլխաւորապէս այն պատճառով, որ մեր ընկերները չչաշողեցան տւեալ կարճ ժամանակամիջոցում մասնակցութեան բերել այս գործին միւս կուսակցութիւնների մէջ գտնող ղժգոհ տարրերը, կազմել դրանցից մի զեկավար մարմին, զօրակոչի ենթարկել տրամադրելի ուժերը եւ առաջ միայն «իջնել կուի դաշտ»: Դեռ չվերջացրած այդ անհրաժեշտ նախապատրաստական աշխատանքները, մեր երիտասարդ ընկերները Բուսաբանական Այգու բարձունքները հանեցին կուսակցութեան ազդեցութեան տակ գտնող մէկ մարտկոցը եւ, ոտնահարելով ամէն մի զգուշութիւն, ուղղեցին թնդանօթների, բերանը դէպի փոխարքայի նախկին պալատը, որտեղ հաստատւել էր

Սէյմի կառավարութիւնը։ Ռազմական այդ շարժումները յայտնաբերւեցին ներքին գործոց նախարար Բամիշվիլու գործակալների կողմից, որից յետոյ թաղւեց իր սաղմի մէջ նաև վերոյիշեալ ծրագիրը։

Բայց խնդիրը այս անյաջողութեան մէջ չէ։ Ես կանդ առայ այս «միջադէպի» վրա միայն այն պատճառով, որ նա՝ հէնց իր գոյութեան փաստով, ցոյց է տալիս, որ ապրիլ 9(22)ի Սէյմի առաջարկած ելքը միակը չէր, որ կար այդ վայրկեանին թիֆլովում քաղաքականագու կազմակերպւած մարդկանց մի նշանակալից թիւ եւ նոյն իսկ մէկ ամբողջ կուսակցութիւն, որ հակադրում էր Սէյմի ընդունած որոշմանը մի ուրիշը, որի հանդէպ նրանք այնքան հաւատաւոր էին, որ պատրաստ էին նոյն իսկ յեղափոխական միջոցների գիմել նրա կենսագործումը ապահովելու համար։

Ահա այս կարեւոր փաստն էր, որ չկրկնեց 1918թ. մայիս 26ին, երբ Անդրկովկասի Սէյմը կատարեց իր երկրորդ պատասխանատուքայլը՝ լուծւած յայտարարեց ինքն իրեն եւ ճանապարհ հարթեց սոց-գեմուկրատների համար՝ հոչակելու վրաստանի անկախութիւնը։ Ինչո՞ւ չկրկնեց։ Ինչո՞ւ մայիս 26ին, երբ պարզեց, որ ապրիլ 9(22)ի ակտի վրա դրւած յոյսերը չարգարացան, ընդդիմադիրները հանդէս չեկան իրենց հին առաջարկով՝ վերականգնել անկախութիւնից առաջ եղած գոյավիճակը ու այս անդամ էլ փորձել այն ելքը, որ իրենք էին առաջարկում։ Այդ նրանք չարին այն պարզ պատճառով, որ արդէն ուշ էր։ Թէեւ ընդամենը մէկ ամիս էր անցել ապրիլ 22ից մինչեւ մայիս 26ը*), բայց այդ միջոցին այնքան խոչոր դէպքեր էին կատարւել, որ այլեւս որեւէ հնարաւորութիւն չկար մէկ ամսով դաւնալ դէպի յետ ու ամէն ինչ սկսել նորից։ Անդրկովկասի անկախութիւնը մեծ փոփոխութիւններ էր մտցրել երկրի վեճակի մէջ թէ արտաքին եւ թէ ներքին ճակատներում, որի հետեւանքով ոչ միայն մեր ապրիլ 9(22)ի առաջարկած դեղատումուր կորցրել էր իր փրկարար յատկութիւնը, այլ եւ միանգամայն անհնարին էին դարձել մեր ընդդիմադիր գործելակերպի մէջ պայքարի այն յեղափոխական միջոցները, որոնց մասին յիշատակեցինք վերը։

Որո՞նք էին կատարւած այդ փոփոխութիւնները։

Անդրկովկասի անկախութիւնը հոչակելու նախօրեակին հայերը եւ վրացիները կանգնած էին ներքին ճակատում անիշխանութեան, իսկ արտաքին ճակատում թրքական վտանգի առաջ։ Այսպիսով, երկու ժողովուրդներին սպառնացող վտանգները միատեսակ էին։

*) Մայիս մէկից Անդրկովկասը սկսեց գործադրել նոր տումար։

Տարբերութիւնը աստիճանի մէջ էր, բայց ոչ տեսակի: Երբ ապրիլ 9(22)ին առաջ քաշւեց Անդրկովկասի անկախութեան ծրագիրը, որպէս միջոց յիշեալ վտանգները չեզոքացնելու համար (Անդրկովկասի անկախութիւնը, բայց վրացիների, պիտի գիւղացնէր թուրքիայի հետ կնքելիք հաշտութիւնը եւ նպաստէր երեք ազգութիւններին միացնելու սեփական հայրենիքի օրինատասփոնի շուրջը, ու այսպիսով վերահստատէր ներքին խաղաղութէննը) թէ հայերի եւ թէ վրացիների մէջ եղան տարակուսանքներ ու տարակարծութիւններ այս ինքը շուրջը: Վէճը գլխաւորապէս այն մասին էր, թէ իրօ՞ք առաջարկած միջոցը կարող է տալ ցանկացած արդիւնքը: Անյաջողութեան դէպօռմ վտանգը հայերի համար աւելի մեծ էր, եւ այդ պատճառով էլ նրանց մէջ մեծ էր նաեւ տատանողների թիւը: Վրացիները աւելի պակաս էին տուժելու եւ դրանով էր բացատրում նաև այն հանգամանքը, որ նրանք աւելի հեշտութեամբ ձեռնարկեցին այդ փորձին: Միայն թաթարներն էին, որոնք անվիճելի շահ էին սպասում Անդրկովկասի անկախութիւնից (Ռուսաստանից անջատւելը ճանապարհ էր հարթում թիւրքիայի առջեւ) եւ այդ պատճառով էլ միակամ էին այդ խնդրում:

Այլ էր իրերի գրութիւնը մայիս 26ին: Ժորդանիայի սարքած կոմբինացիան գերմանացիների հետ եւ Վրաստանի անկախութեան ծրագիրը ստեղծում էր վրաց ժողովրդի համար մի նոր կացութիւն, որը աւելի գերադասելի էր, քան երէկւայ վիճակը: Այս մասին որևէ վէճ կամ տարակոյս գոյութիւն չունէր վրացիների մէջ՝ ոչ զեկավար շրջաններում եւ ոչ էլ կուսակցական զանգւածների մէջ: Եւ որովհետեւ այն ժամանակւայ պայմաններում ծրագրի յաջող իրագործումն ու նրա ընձեռած առաւելութիւնները պահանջում էին, որ վրացիները իրենց քայլը անեն մենակ, այդ պատճառով էլ մայիս 26ին նրանք բաժանեցին Անդրկովկասից եւ առանձնացան իրենց սահմաններում: Ահաւասիկ մէկը այն տարբերութիւններից, որ կարապրիլ 9(22)ի եւ մայիս 26ի ակտերի մէջ:

Ի՞նչ էր մեր կուսակցութեան անդամների՝ հայ թէ ոռւս, վերաբերմունքը դէպի այս նոր անկախութիւնը: Բացասական: Մեր քննադատութիւնները ծանրանում էին գլխաւորապէս այս ակտի բարոյական կողմի վրա: Մենք ձաղկում էինք վրաց սոց-դեմոկրատներին իրենց աշմաններում: Ահաւասիկ մէկը այն տարբերութիւններից, որ կարապրիլ 9(22)ի եւ մայիս 26ի ակտերի մէջ:

Խրճիթը կառուցանելու ու միայն իրենց ժողովրդի փրկութեան համար մտածելու: Այսպէս էին մեր քննադատութիւնները: Իսկ ո՞րն էր մեր դրական ծրագիրը: Ապրիլ 9(22)ին մենք ունէինք այդպիսին: Աւելին: Այդ ծրագիրը, ինչպէս յիշատակւեց վերը, օժտւած էր այնպիսի յատկութիւններով, որ նոյն իսկ գրաւում էր միւս կուսակցութեանց որոշ անդամների համակրութիւնը:

Այժմ Անդրկովկասի գործող ուժերից մի շատ կարեւոր հատւած ի դէմս վրաց սոցիալ-դեմոկրատների այն մասի, որ դէմ էր ապրիլ 9(22)ի ակտին, կառչել էր Վրաստանի անկախութեան ծրագրին, լքել էր ընդհանուր գործի ասպարէզը ու մերժում էր համագործակցութեան մեր բոլոր առաջարկները: Երկրորդ խոշոր ոյժը՝ Դաշնակցութեան ու առհասարակ հայ ժողովրդի գժգոհ տարրերը, որոնք մեր հաշիւների մէջ էին մտնում ապրիլ 9(22)ին, այսօր արդէն ջարդւած էին արտաքին թշնամու դէմ մղած անհաւասար կուում եւ կորցրել էին իրենց ուազմական ու քաղաքական նշանակութիւնը: Այսպիսով ընկնում էր հաշւից նաեւ այս երկրորդ գինակիցը:

Վերջապէս, շատ աննպաստ էին դասաւորւած յեղափոխական ելոյթի համար նաեւ միւս պայմանները: Արտաքին թշնամին մայիս 26ին այնքան էր յառաջացել Անդրկովկասում ու այնպիսի ազգեցութիւն էր ձեռք բերել նոյն իսկ մեր ներքին գործերի նկատմամբ, որ ընդդէմ նրա ծրագրների այլեւս անհնարին էր որեւէ քայլ անել, մինչդեռ պարզ էր, որ թիւրքերը ոչ մի կերպով չափակի համաձայնէին թոյլ տալ մի այնպիսի ելոյթ, որ իր իրականացման դէպքում ընդունելու էր ամենայն հաւանականութեամբ Բագրի մարտ ամսում տեղի ունեցած յեղաշրջման բնոյթը, այսինքն ուղղակի մարտ ամսում առաջին հերթին թաթարների դէմ: Նւազել էր մի ամսւայ ընթացքում նաեւ ոռւս տարրի (գօրք եւ պաշտօնէութիւն) տեսակարար կշիռը, որով էլ աւելի պակասել էին մեր կուսակցութեան համար վճռական գեր կատարելու հնարաւորութիւնները Անդրկովկասի ներքին կեանքում:

Այս բոլոր պատճառները զարգել էին մեր ընդդէմադրութիւնը մայիս 26ի ակտին նւազ ներուժ: Քաղաքական ոչ մէկ պայքարը չէ կարող մնաել միայն բացասական նշանախօսքերով: Իսկ առաջարկել դրական մի ելք, որ լինէր գործնական ու փրկէր Անդրկովկասը կործանումից, մենք չէինք կարող, առանց մեղանչելու մեր խղճի դէմ: Անդրկովկասը քայքայւում էր, եւ կանգնեցնել այդ քայքայումը ներքին ուժերով այլեւս անհնարին էր: Ազգայնական տարերքը, որ ապերասան էր գարձել յեղափոխութեան պարտութեամբ ու ոռւս պետականութեան ընկրկումով, ոչ միայն խորտակել էր երեք աղ-

գութիւնների դեմոկրատական ուժերի միացեալ ճակատը, այլ եւ միմեանց դէմ էր հանել այդ ժողովուրդներին՝ փոխադարձ պայքարների մէջ վերջնականապէս սպառւելու, «չնչանալու պայմանով։ Նման պարագաներում միայն զբսի ոյժը կարող էր ապահովել երկրի արտաքին ու ներքին խաղաղութիւնը. պայմանով սակայն, որ նրա վերաբերմունքը դէպի անդրկովկասեան ժողովուրդները լինէր բարեացակամ։ Թիւրքը չէր այդ ոյժը եւ ոչ էլ զերմանացին, որ եկաւիր հովանաւութիւնը միայն վրացիների վրա տարածելու։ Եւ մեր ու մեզ հետ շատերի աչքերը հին իներցիայով յառած էին այդ օրեւրին կրկին դէպի Հիւսիս։ Բայց այնտեղ պետական կեանքը տակն ու վրա էր եղած։ Իշխանութեան չուրջը մզւող կուրը գեռ շարունակում էր։ Մենք հետեւում էինք այդ պայքարին մեծ յուղումով, որովհետեւ մեր փրկութիւնը գտնում էինք գեմոկրատական Ռուսաստանի վերականգնման մէջ։ Բայց այդ ժամը ուշանում էր, իսկ միւս կողմից Անդրկովկասում դէպքերը զարգանում էին աննախընթաց արագութեամբ, ստիպողական պարտք դնելով քաղաքական կաղմակերպութիւնների վրա՝ ճշոել իրենց դիրքը օրւայ կարեւորագոյն հարցերի նկատմամբ։

Վրացիների մայիս 26ին յայտարարած անկախութեան հետեւեց Հայոց Ազգ. Խորհուրդը։ Նոյն ամսի 31ին Թիֆլիսի թերթերում լոյս տեսաւ նրա հետեւեալ Յայտարարութիւնը. « Անդրկովկասեան քաղաքական ամբողջութեան լուծումով եւ Վրաստանի ու Աղրբէջանի անկախութեան հոչակումով ստեղծած նոր դրութեան հանդէպ՝ Հայոց Ազգ. Խորհուրդը իրեն յայտարարում է հայկական զաւառների գերազոյն եւ միակ իշխանութիւնը։ Որոշ ծանրակշիռ պատճառներով թողնելով մօտիկ օրերը կազմել Հայոց ազգային կառավարութիւն՝ Ազգային Խորհուրդը ժամանակաւորապէս ստանձնում է կառավարական բոլոր Փունկցիաները՝ հայկական զաւառների քաղաքական եւ վարչական դեկը վարելու համբ։ »

Վերը արդէն մատնանշեց, որ Հայոց Ազգ. Խորհրդի այս որոշումը որեւէ առարկութիւն չէր վերցնում ու աւելորդ էր գարձնում նոյն իսկ գիրք պարզելը նրա հանդէպ։ Սա, ի հարկի, Հայաստանի անկախութեան*) հոչակում չէր։ Միւս կողմից բոլորի համար պարզ էր, որ կատարւած քայլի պատասխանաւութիւնը չէր ընկնում Հայոց Ազգային Խորհրդի վրա, քանի որ նրա այդ քայլը անխուսափելի էր զառնում վրացիների եւ ապա թաթարների դրանից առաջ ընդու-

*) Բնորոշ է, որ Յայտարարութեան հեղինակները ուշի ուշով խուսափել են թէ «Հայաստան» եւ թէ «անկախութիւն» բառերից։

նած որոշումներից յետոյ : Անդրկովկասի միացեալ իշխանութիւնը լուծել էր : Վրացիներն ու թաթարները հիմք էին դրել ինքնուրոյն քաղաքական կեանքի : Մնում էր մէջտեղում հայ ժողովուրդը : Կարո՞ղ էին, արդեօք, այդ ժողովրդի քաղաքական կազմակերպութիւնները ձգել նրան իր բախտին : Ո՞չ : Եւ ահա նրանք, յանձինս Ազգ : Խորհրդի, «Ժամանակաւորապէս» իրենց ձեռքն են վերցնում հայկական գաւառների քաղաքական եւ վարչական դեկը վարելու պարտականութիւնը : Ի՞նչ կարելի էր ասել դրա դէմ : Ոչինչ :

Բայց միւս կողմից սխալում են նաեւ մեր այն «պատմագիրները», որոնք Հայոց Ազգ : Խորհրդի «Յայտարարութիւնը» նմանեցնում են վրացիների հրապարակած անկախութեան ակտին : Հայերը 1918թ. մայիսի վերջին չէին կարող նոյնութեամբ կրկնել վրացիների արածը, քանի որ այդ պահին արդէն միատեսակ պայմաններում չէին գտնուում : Այն, ինչ որ փրկութիւն էր բերում վրացիներին, բոլորովին անպէտք ու նոյն իսկ վնասակար էր հայերի համար : Վրացիները, ինչպէս մատնանշւեց վերը, գուրս զարով Անդրկովկասան միութիւնից ու հիմնելով անկախ հանրապետութիւն գերմանացիների հովանաւորութեան տակ, մէկ անդամից ստեղծում էին իրենց համար անհամեմատ աւելի ձեռնտու պայմաններ, քան այն, որի մէջ նրանք գտնուում էին Անդրկովկասի միացեալ իշխանութեան վերջին օրերին : Նրանք, նախ եւ առաջ, աղատուում էին հայերից, որոնց ընկերակցութիւնը դարձել էր անշահաւէտ ու վնասակար վրացիների համար : Անջատելով հայերից, նրանք հնարաւորութիւն էին ձեռք բերում աւելի հեշտութեամբ լեզու գտնել տաճիկների հետ ու աւելի ձեռնտու պայմաններով հաշւեյարդարի ենթարկել պատերազմը : Միւս կողմից այդ անջատումն ու առանձնացումը ըստ երեւոյթին պայման էր գերմանացիների հովանաւորութիւնը ստանալու համար : Կային եւ ուրիշ առաւելութիւններ, որ ընձեռում էր վրացիներին մայիս 26ի ակտը : Այսպէս, օրինակ, ոռւսական զօրքի ու վարչութիւնների թողած հսկայական հարստութիւնները, որոնք կուտակած էին վրացական տերիտորիայում, տնտեսական հիմք էին զառնալու անկախ Վրաստանի եթէ ոչ բարգաւաճման, գոնէ անաղքատ գոյութեան համար : Եւ, վերջպէս, չորհիւ այն հանգամանքի, որ վրաց ժողովրդի 90 տոկոսը ապրում էր հայրենի բնաշխարհի սահմաններում, նրա անկախութիւնը գտնուում էր ազգային հարցի ամբողջական լուծման մի միջոց : Այս ամենը իրաւունք էր տալիս «Վրաստանի անկախութեան ակտի» հեղինակներին յայտարարելու, որ «սեփական պետութեան կազմակերպութիւնը» ոչ միայն «փրկելու

է ժողովուրդը թշնամական ուժերի ստրկացումից», այլ նաև «հաստատման հիմքեր է դնելու նրա ազատ զարգացման համար»:

Միանդամայն տարբեր էին պայմանները հայերի համար: Հայաստանի անկախութիւնը ոչ միայն չէր ապահովում մեր ժողովրդի համար վերոյիշեալ առաւելութիւններից որեւէ մէկը, այլ էլ աւելի ծանրացնում էր նրա կացութիւնը: Անդրկովկասի քայլայումով մենք մնում էինք մեն մենակ թիւրքի դէմ, դրկած մեր աւելի լաւ պայմաններում գտնուզ հարեւանի ու զաշնակցի զինական, զիւանագիւտական ու նոյն իսկ բարոյական աջակցութիւնից: Մնում էինք մենակ այն ժամանակ, երբ նոյն այդ հարեւանի սխալ քաղաքականութեան ու սխալ քայլերի հետեւանքով (Անդրկովկասի անկախութեան հրոշակումը, նախ Բըեսո-Լիտովսկի զաշնագրի մերժումը եւ ապա Կարսի ու Ալեքսանդրապոլի յանձնումը եւ այլն) ստեղծւել էին մեղ համար արտաքին ճակատում շատ աւելի ծանր պայմաններ, քան այն, որ գոյութիւն ունէին նախքան Անդրկովկասի միացեալ հանրապետութեան կազմակերպութիւնը: Անկախութիւնը ոչ մի առաւելութիւն չէր տալիս մեղ նաև ներքին կեանքում: Անդրկովկասի մեր հողերի կէսը դրաւել էր թշնամին, իսկ այն, ինչ որ բարեհաճում էին մեղ ձգել մեր հարեւանները, անբաւարար էր տեղաւորելու մեր ժողովրդի նոյն իսկ մէկ տասերորդը: Զիօսելով աւելի հեռաւոր վայրերում գտնուզ հայ բաղմութիւնների մասին, միայն Վրաստանի ու Աղրբէ-ջանի սահմաններում աւելի շատ հայ էր մնում, քան այն «հայկական գաւառներում», որի վրա Աղդ. Խորհուրդը տարածում էր իր «գերագոյն իշխանութիւնը»: Ինչ վերաբերում է Անդրկովկասի միութեան քայլայմամբ յիշեալ գաւառների համար ստեղծւած տնտեսական պայմաններին, ապա այս մարդի մէջ դրութիւնը ուղղակի կատարութային էր:

Այս ամենի խորը գիտակցութիւնն ունէին հայ քաղաքական կուսակցութիւնները եւ այդ էր պատճառը, որ նրանց ներկայացուցիչներից կաղմաւած Աղդ. Խորհուրդը՝ կքած վայրկեանի ծանրութեան տակ, կորցրել էր իր քայլերի հաստատութիւնը եւ երերում էր անօդայն ճանապարհի նախադրան, որով զնացին վրացիներն ու աղրբէ-ջանցիները:

Այսօր, 16 տարի անց, երբ անդրադառնում եմ Արամեանցի տանը մայիսի վերջերին կատարող անցուղաքաձերին ու իշխող տրամադրութիւններին, երբ յիշում եմ, թէ ինչպէս Աղդ. Խորհուրդը օրերով միտք էր յողնեցնում այնպիսի մի ձեւով խմբագրելու իր «Յայտարարութիւնը», որ նա Հայաստանի անկախութեան հռչակման տպաւորութիւնը չլողնէ եւ մինչեւ վերջին վայրկեանը, կառչած իր

այդ ժամանելեռումին՝ Բաթում մեկնող պատրիարքին հրահանգում էր փորձել հաշտութիւնը կնքել «Հայ ժողովրդի անունից» եւ թիւրքերի առարկութեան դէպօռում միայն՝ հանդէս դալ որպէս «անկախ Հայաստանի» ներկայացուցիչներ*), ինձ նոյն իսկ թւում է, որ այդ ժամանակ մենք մի քիչ չափազանցնում էինք: Ես հասկանում եմ, որ Ազգ. Խորհուրդը չէր կարող խանդավառել իր կատարած քայլով, չէր կարող ոգեւորել այն վիճակով, որ ստեղծւում էր դրա հետեւանքով «Հայկական դաւաների» բնակչութեան համար, բայց թէ նա գործնական ինչ առաւելութիւններ էր ձեռք բերում, խուսափելով անկախութիւն յայտարարելուց, մնում է հարցական: Թւում է, որ մերժելով յայտարարել Հայաստանը անկախ եւ գրանով իսկ ցոյց տալով, որ այդ անհնարին է ստեղծւած կացութեան հետեւանքով, Ազգ. Խորհուրդը ցանկանում էր բողոքել Հայ ժողովրդի անունից այն բախտի դէմ, որին այդ ժողովուրդը արժանացել էր գերազանցապէս ուրիշների (թշնամի եւ բարեկամ) պատճառով: Ազգ. Խորհուրդը չէր ուզում, որ դէմ մէկ վայրեկեան աշխարհը կարծէ, թէ մայիսի վերջներին ստեղծւած կացութիւնը Հայ ժողովուրդը կարող է համարել իր համար, որպէս ազգային ձգտումների թէկուզ ամենանւազագոյն չափի կատարում ու դրանով որեւէ ձեւով բաւարարել: Եւ երբ այն ժամանակայ Հայ թերթերը, որոնց թւում նաև Դաշնակցութեան Բիւրոյի օրգան «Հորիզոն»ը, չակերտների մէջ էին դնում «Հայաստանի Հանրապետութիւն» բառը, կամ անյարդարից արտայայտութիւններ էին գործածում նրա մասին խօսելիս, այդ անում էին ոչ թէ «ազգային սրբութիւններ» ծաղրելու մոլուցքով տարւած, այլ միայն մէկ նպատակով՝ բողոքել ու դժգոհել մարդկանց ու պատմութեան դէմ, որնք փորձում էին այդ «Հանրապետութիւնը» ներկայացնել մեղ որպէս փոխարժէք մեր տւած զոհաբերութիւնների ու դրանով փակել մեր պահանջների հաշիւը:

« Ճշմարիտ է, ծանր է նոյն իսկ «Հայկական Հանրապետութիւն» կամ նման մի անուն տալ այն լեռնոտ, չոր ու ցամաք եւ կղզիացած երկրամասին, — գրում էր Հ. Յ. Բիւրոյի օրգան Հորիզոնը իր յունիս 6ի խմբադրականում, — որ մեր ժողովրդի մի մասնիկը դեռևս հնարաւորութիւն ունի պահպանելու իր աղատութիւնն ու անկախութիւնը: Բայց եւ այնպէս պիտի հաշտւենի և այս մտքի հետ, ինչպէս ստիպ-

*) Պատւիրակութեանը տրւեց թէ մէկ եւ թէ միւս տեսակի լիազօրագրութիւններ: Վերադարձին Ա. Խատիսեանը պատմեց, որ թիւրքերը հենց սկզբից այնպիսի մի ձեւով դրին խնդիրը, որ ինքը խօսի անգամ չկարողացաւ ամել հայ ժողովրդի անունից հաշտութիւն կնիւու:

ւած եղանք հաշտուել մեր մեծ կորուստների եւ զրհաբերաւթիւնների հետ» (ընդգծումն իմն է Ա. Խ.) : Հայաստանի «հանրապետութիւնը» «Հորիզոն»ը համարում է ոչ թէ մի նւաճում մեր ժողովրդի համար, այլ «կորուստ ու զոհաբերութիւն» : Եւ Բաթումի դաշնադրի կնքման անմիջական ազգեցութեան տակ, Դաշնակցութեան պաշտօնաթերթը առաջարկում է հաշտուել այդ «հանրապետութեան» գոյութեան հետ, ինչպէս «հաշտուել ենք» մեր մեծ կորուստների հետ : Որպիսի՞ դառնութիւն ու ցասում կայ կուտակւած այս «հեզ» առաջարկի մէջ :

Այսպէս, ուրեմն, չաեսնելով որեւէ առաւելութիւն անկախութեան յայտարարման մէջ, Ազգային Խորհուրդը խուսափեց այդ վըճռական ու վերջնական բնոյթ կրող քայլից եւ հայ քաղաքական կեանքի կազմակերպման խնդրում բարւոք համարեց ունենալ ապագայի համար աւելի աղատ ձեռքբեր : Նա հոչակեց եւ այն էլ առժամապէս միայն Հայաստանի դը Փակտո գոյութիւնը, եւ այս որոշմանը հաւանութիւն տվին քոալիսիոնի մէջ մտնող բոլոր կուսակցութիւնները :

Երկրորդ քայլը, «ը մնում էր կատարելու, կառավարութեան կազմութիւնն էր, որով Ազգ. Խորհուրդը զբաղւեց, սակայն, միայն պատերազմի հաշւելաբարը կատարելուց յետոյ :

Ռազմաճակատի խնդիրը մէկն էր այն հաղւագիւտ հարցերից, որի շուրջը ոչ մէկ տարակարծութիւն չկար հայ կուսակցութիւնների մէջ : Այն պահին, երբ պէտք էր պաշտպանել ճակատը, նրանք բոլորն էլ, չափաւոր թէ ծայրայեղ, միատեսակ էին զնահատում դրա նշանակութիւնը : «Պաշտպանել, ամենակտիւ եւ ամենավճռական կերպով պաշտպանել — ահա մոմենտի ամենահիմնական խնդիրը : Մենք չենք կարող առանց կուի յանձնել ոչ Բաթումը, ոչ Կարսը» : Այսպէս էր գրում մեր կուսակցութեան պաշտօնաթերթ «Զնամեա Տրուդա»ն իր մարտ 30ի խմբագրականում : Մօտաւորապէս նոյն ձեռով էր արտայայտում նաեւ հայ սոց-դեմոկրատների օրդանը՝ «Պայքար»ր : Դաշնակցութեան մասին աւելորդ եմ համարում խօսել, քանի որ այդ կուսակցութիւնը իր ամբողջ ոյժն ու կորովը նւիրել էր ռազմաճակատին :

Ինչ վերաբերում է գործնականին, գոյութիւն ունէր Թիֆլիսում Հայ Զինուրական Միութիւն, որտեղ քոալիսիոն կազմով ու համերաշխ մթնոլորտի մէջ գործում էին դաշնակցական սպաների կողքին սոց-յեղափոխականներն ու սոցիալ-դեմոկրատները : Աւելորդ եմ համարում յիշատակել, որ նոյն «քոալիսիոնը» գոյութիւն ունէր նաև առաջին դժի վրա կուողների շարքերում :

Որեւէ աչքի ընկնող տարբերութիւն չկար հայ կուսակցութիւն-

ներ մէջ նաեւ հաշտութեան խնդրի նկատմամբ։ Նրանք բոլորն էլ դիտակցում էին այս հարցի լրջութիւնը և նրան մօտենում էին, մէկդի դնելով կուսակցական հաշիւները։ Ռազմածակատի եւ հաշառութեան հարցերի քննութեան նւիրւած ամենապատասխանատու ժողովներից մէկում, որ տեղի ունեցաւ Ալեքսանդրապուտ ապրիլի սկզբներին, ընդունեց դաշնակցականների առաջարկը՝ չսահմանափակել ժողովականների կարծիքների աղատութիւնը Փրակցիաներում նախապէս ընդունեած որոշումներով ու իրաւունք տալ ժողովի բոլոր մասնակտողներին հանդէս դալ իրենց անհատական տեսակէտների պաշտպանութեամբ։

Եւ, վերջապէս, երբ սկսեց պարզել պատերազմի ելքը, նաեւ այս հարցում առանձին տարակարծութիւններ չեղան Ազգ։ Խորհրդի մէջ մտնող կուսակցութիւնների մէջ։ Յամենայն դէպս չստեղծւեց այնպիսի մի գրութիւն, որ սոցիալիստական կուսակցութիւնները (սոց.-յեղափոխ. եւ սոց.-դեմոկ.) ժամանակից առաջ յայտարարէին հայ ժողովրդի պարտաւծ լինելու մասին ու պահանջէին հաշտութիւն կնքել, իսկ Դաշնակցութիւնը պնդէր պատերազմի շարունակման վրա։ Մայիս 30ին անդրադառնալով Երեւանի կոփեներին եւ արձանադրելով հայերի ունեցած յաջողութիւնը, «Հորիզոն»ը հետեւեալն էր գրում. «Սակայն, որքան էլ ծանր լինի խոստովանել, որքան էլ դժւար լինի ասել մանաւանդ այս օրերին, մենք այնուամենայնիւ պարտք ենք զգում ասելու այն դառն ճշմարտութիւնը, թէ մենք յաղթւած ենք...»։

...«Յաղթւած ենք, որովհետեւ կապւած լինելով մեր հարեւան ժողովրդի հետ եւ չկամենալով խոճել մեր կապը դրացի ժողովրդների գեմոկրատիայի հետ եւ պայթեցնել յեղափոխական գեմոկրատիայի Փրոնտի միութիւնը, համակերպել ու դիմել ենք շատ բան եւ այդպիսով կորցրել ենք մեր ուազմական կարողութեան մեծ մասը։ Յաղթւած ենք, որովհետեւ մնացել ենք մենակ, կազմալուծւած բանակով, որովհետեւ մեր բնաւեր ժողովուրդը յոդնած է եւ ծարաւի է խաղաղ կեանքի»։

Ստեղծւած կացութեան այս գնահատութիւնը, որ տալիս էր Ազգ։ Խորհրդի ամենազօրեղ հատւածի պաշտօնաթերթը, մեր առաջ միայն մէկ ելք էր զնում՝ Բաթումի անձնատւութիւնը։ Եւ այդ անձնատւութեան մենք զնացինք, միշտ այն դիտակցութիւնն ունենալով, որ պատմական տւեալ վայրկեանին ուրիշ որեւէ այլ լուծում չկար։ Հայ ժողովրդի քաղաքական կեանքի նաեւ այս երկրորդ կարեւոր հարցի անփառունակ ելքը կանխորոշւել էր այն քաղաքականութեամբ, որ որդեգրեցին Սէյմի մեծամասնութիւնը կազմող կուսակ-

ցութիւններ և մանաւանդ վրաց սոց.-դեմոկրատները ապրիլ 9(22)ի պատմական նիստին :

Միակ հարցը, որ ունէր զուտ ներքին խնդրի բնոյթ, որ ծագել էր այն ժամանակ, երբ Ազգ. Խորհուրդը արդէն դարձել էր հայ ժողովրդի բախտի միակ տնօրինը եւ որի այս կամ այն ուղղութեամբ լուծման վրա նախկին դէպքերը վճռական որեւէ ազդեցութիւն չունէին, դա կառավարութեան հարցն էր : Եւ բնորոշ է, որ հէնց այս խնդրում ճեղքւեց ստեղծւած միացեալ ճակատը, առաջ եկան տարակարծութիւններ կուսակցութիւնների մէջ և ի վերջոյ հարցը լուծւեց ոչ այն ուղղութեամբ, ինչ որ համապատասխանում էր այդ ժամանակայ ծանր կացութեան : Ինչպէս յայտնի է, Հայաստանի անդրանիկ դահլիճը չեղաւ «ազգային միութեան» կառավարութիւն, ինչպէս որ էր Վրաստանինը : Նա կազմւեց ոչ թէ կուսակցութիւնների քուլիսիոնի հիման վրա, այլ պերսանալ կարգով, եւ նրա մէջ մտան միայն դաշնականներն ու անկուսակցականները :

Փաստորէն այդ ժամանակ Ազգ. Խորհրդի առաջ դրւած էր երկու մարմինների կազմութեան հարցը՝ Խորհրդարանի եւ կառավարութեան : Հնարաւորութիւն չունենալով այն զարհուրելի պայմաններում ընտրութիւններ կատարել եւ, հետեւելով վրացինների օրինակին, որուշեց Հայաստանի Խորհրդարանը կազմել կուսակցութիւնների ներկայացուցիչներից՝ կատարելով աթոռների բաշխումը փոխադարձ համաձայնութեամբ : Այս հարցը լուծւեց շատ արագութեամբ եւ առանց որեւէ վիճաբանութեան

Տարբեր եղաւ կառավարութիւն կազմելու խնդիրը : Յունիսի 9ին Ազգ. Խորհուրդը որոշում է կառավարութիւնը կազմել միջկուսակցական հողի վրա և վարչապետ է ընտրում Յ. Քաջազնունուն^{*}) : Ձեռնարկելով բանակցութիւնների կուսակցութեանց ներկայացուցիչների հետ, Յ. Քաջազնունին առաջին իսկ քայլից հանդիպում է դժւարութիւնների : Եւ զարմանալին այն է, որ դժւարութիւն յարուցանողները լինում են ոչ այնքան էսէռներն ու էսդէկները, որքան Հայ ժողովրդական կուսակցութիւնը : Հակառակ պարլամենտական կարգերից բխող պահանջներին, այս «ազատական» ու «սահմանադրական» կու-

^{*}) «Հորիզոն»ը իր յունիսի 13ի թվի մէջ գրում է, որ Քաջազնունու ընտրութիւնը տեղի է ունեցել Ազգ. Խորհրդում «բոլոր ձայներով ընդդէմ երկուսի (Հայ ժողովրդական կուսակցութեան անդամներ)» : Այդ նշանակում է, թէ թեր ձայն են տվել նաեւ ս. յեղափ . ու ս. դեմոկրատ . , թէ նրանք բացակայ են եղել այդ նիստից, ես, դժբախտաբար, չեմ յիշում :

սակցութիւնը պահանջում էր, որ կառավարութիւն կազմելու իրաւունքը յանձնելի իր ներկայացուցչին, թէեւ ինքը չնչին փոքրամասնութիւն էր հայ կեանքում ու Աղգդ. Խորհրդում : Իրենց պահանջներին ոյժ տալու համար, ժողովրդականները միտինդներ էին գումարում Թիֆլիսի շքեղ սրահներում եւ բանաձեւեր քէհարկում յօդուտ իրենց թեկնածու Մ. Պապաջաննեանի : Այդ ծանր օրերին Սոլուակի^{*)} անատէրերից ու Գոլովինսկի պողոտայի^{**}) վաճառականներից բաղկացած այդ հաւաքոյթները, իրենց արհեստական ու անտեղի աղմուկով, թատերական շարժուձեւերով ու անընդմիջուղ ծափահարութիւններով աւելի նպաստաւոր տպաւորութիւն չէին ձգում հայ սրտաբեկ ու սգաւոր բազմութիւնների վրա, քան «Արշին Մալ Ալանների» ու «Մաշտի իբատնելի» ամենօրեայ ներկայացումները :

Հրապարակային այս միտինդներից զատ ժողովրդականները հետապնդում էին իրենց «գատար» նաեւ վարագոյրի յետեւում սարքւող քաղաքական խաղերի միջոցով : Նրանք փորձում էին ստեղծել մի միջլուսակցական մարմին՝ բաղկացած հայ բոլոր հոսանքների (բացի Դաշնակցութիւնից) ներկայացուցիչներից, որ պէտք է իր նախապատրաստական ժողովներում ջանար մշակել միօրինակ գործելակերպ Աղգդ. Խորհրդի նիստերում հանդէս դալու համար : Այս ժողովների սովին էր Մ. Պապաջաննեանը, իսկ եռանդուն մասնակցողները՝ նոյն ժողովրդականներն ու հայ սոց.-դեմոկրատները : Մասնաւորապէս այս վերջինների ազդեցութեան տակ մի երկու ժողովի մէջ մասնակցում են նաեւ մեր՝ սոց.-յեղափոխական ընկերներից ոմանք : Պատահաբար, Մ. Պապաջաննեանի ինձ արած առաջարկից իմանալով այդ ժողովների մասին, եւ դէմ լինելով մեր մասնակցութեան, ես հարցը զրի պաշտօնական քննութեան մեր հայ ընկերների ընդհանուր ժողովում, — որտեղ, ի դէպ ասած, այդ շրջանում քննում ու վերջնական լուծում էին ստանում հայ իրականութեան հետ կապւած բոլոր խնդիրները, — ուր եւ որոշեց չմասնակցել ժողովրդականների խաղերին, դէմ արտայայտել նրանց յաւակնութիւններին դահլիճ կաղմելու նկատմամբ^{***}), չառարկել Յ. Քաջազնունու, որպէս ամենազօրեղ կուսակցութեան ներկայացուցչի՝ վարչապետութեան դէմ եւ կոտավարութեան մէջ մեր կուսակցութեան մասնակցութեան հարցը յետաձգել երեւանում լուծելու, այնտեղի ընկերների մասնակցութեամբ :

^{*)} Հարուստների քաղը Թիֆլիսում : ԽՄԲ .

^{**)} Ամենամեծ ու ամենալաբառաշահ փողոցը Թիֆլիսում : ԽՄԲ .

^{***} Այս որոշումների ամենիջական արտայայտութիւն էր «Կաւ-

Այս որոշումները դարձան պարտաւորիչ Ազգ . Խորհրդի մեր ներկայացուցիչների համար , եւ գրանցով էլ նրանք առաջնորդւեցին կառավարութիւն կազմելու խնդրի քննութեան ժամանակ : Հետագայում նոյն այդ խնդրի վերաբերեալ մենք իւրացրինք նաեւ մի նոր կէտ : Մեկնելով այն իրողութիւնից , որ Հայաստանի նորաստեղծ Հանրապետութիւնը , ամփոփելու է իր մէջ հազիւ կէսը առնդամ Ռուսաստանի հայութեան , որով Ազգ . Խորհուրդը Երեւան տեղափոխւելու դէպքում , միւս կէսը մնալու է առանց քաղաքական ղեկավարութեան , Ստ . Մամիկոնեանը (Ազգ . Խորհրդի անկուսակցական անդամ) այն կարծիքն էր պաշտպանում , որ Ազգային Խորհուրդը չպէտք է լքէ համազգային մարմնի իր հանդամանքը եւ գոհանայ միայն «Արարաբանան Հայաստանով» : Այստեղից բխում էր նաեւ այն կոնկրէտ առաջարկը , — որին միացանք մենք՝ սոց-յեղափոխականներս , — թէ Երեւան գնալուց ու այնտեղ Պետական Խորհուրդ ու կառավարութիւն

Կազմօծ Սովո» ոռուսերէն թերթում յունիս 12ի իմ գրած խմբագրականը , որտեղ , այն տեսակէտն է անցկացւած , որ ժողովրդականների յաւակնութիւնները անհիմն են նաև այն պատճառով , որ այդ կուսակցութիւնը «իր արմատներն ու կորիզները Անդրկովկասի կենտրոնական քաղաքների բուրժուական խաւերի մէջ ունենալով , չկարողացաւ յեղափոխութեան ժամանակաշրջանում հաստատուն կապեր ամրապնդել հայ դաւառի և գիւղացիութեան լայն զանդաների հետ» : Միւս կողմից նրանց այն առարկութիւնը , թէ Դաշնակցութեան քաղաքականութիւնը սնանկացել է , ուստի իշխանութիւնը պիտի իրենց յանձնի , որպէս աւելի խելացի գործելակերպ ունեցող կուսակցութիւն , պատմականօրէն նիշտ չէ , քանի որ «եթէ անձնական բնոյթ կողդ մանր տարածայնութիւնները մի կողմ թողնենք , ապա սկզբունքային բոլոր հարցերում , ինչպէս «Մշակ»ը , այնպէս էլ ֆողովրդական կուսակցութիւնը չեն ունեցել յստակօրէն արտայայտած տարրերութիւն Դաշնակցութեան վարած ազգային քաղաքականութիւնից : Բոլոր կարեւորագոյն վայրկեաններում ու բոլոր կարեւորագոյն հարցերում նրանք գնացել են Դաշնակցութեան հետ կամ նրա հետքերով : Պատերազմի և հաշտութեան , կամաւորական շարժման , Տաճկահայաստանի ինքնավարութեան , Անդրկովկասի վարչական սահմանների բաժանման , Տրապիզոնի բանակցութիւնների , Անդրկովկասի անկախութեան եւ նոյն իսկ տաճկական վերջին վերջնազրի բնդունման հարցերը Դաշնակցութեան եւ ժողովրդ . կուսակցութեան կողմից միասնակականութեան միակ ղեկավարի դերը ունենալու նկատմամբ» :

...«Այս նկատումներով , անհիմն են ժողովրդ . կուսակցութեան յաւակնութիւնները հայ ժողովրդի ու կառավարութեան ապագայ քաղաքականութեան միակ ղեկավարի դերը ունենալու նկատմամբ» :

կաղմելուց յետոյ , Ազգ . Խորհուրդը պիտի վերադառնայ Թիֆլիս եւ շարունակէ իր գոյութիւնը , որպէս համայն Ռուսաստանի հայութեան ազգային իշխանութիւն : Այս առաջարկը ընդունելութիւն չփառւ Ազգ . Խորհրդի միւս անդամների կողմից : Մերժեցաւ նաեւ մեր միւս պահանջը՝ թոյլ տալ , որ կառավարութեան մէջ մտնելու մասին մեղ արւած առաջարկին պատասխանենք Երեւանում : Այս երկու տեսակէտներն էլ բխում էին մեր սկզբունքային ըմբոնողութիւններից եւ բնաւ երբեք արդիւնք չէին որեւէ «անձնական նկատառումների» : Եթէ ճիշտ է , որ Ազգ . Խորհրդի անդամներից ոմանց մէջ տիրող էր Թիֆլիսից չմեկնելու ցանկութիւնը , այդ մեր ընկերներին , յամենայն դէպս , չէր վերաբերում : Խնդիրն այն է , որ փոխարքայի պալատից Արամեանցի տունը վերադառնալու հետեւանքով մեղ՝ հայ էսէռներիս համար ստեղծել էր մի բացառիկ կացութիւն , որպիսին գոյութիւն չունէր միւս կուսակցութիւնների համար : Մենք , շարունակելով պահպանել մեր կապը մայր կուսակցութեան հետ , փաստօրէն դարձել էինք անկախ մի կազմակերպութիւն հայկական իրականութեան վերաբերող գործերի նկատմամբ : Բայց այս այսպէս լինելով հանդերձ , հայ էսէռներս դեռ չէինք կարողացել ստեղծել այն օրինական մարմինները , որոնք անհրաժեշտ են քաղաքական իրավանչիւր մի կուսակցութեան գործունէութիւնը զեկավարելու համար : Դաշնակցականներն ու ժողովրդականները ի վիճակի էին վերոյիշեալ բոլոր ինդիրների համար վերջնական որոշումներ ընդունելու Թիֆլիսում , քանի որ այնտեղ էին գտնւում նրանց կենարոնական մարմինները : Անդամ հայ սոցիալ-գեմոկրատաները , որոնք թէեւ դեռ չէին խոել իրենց կապը վրացական կազմակերպութեան հետ եւ այդ պատճառով էլ չունէին առանձին զեկավար մարմին , այնուամենայնիւ հնարաւորութիւն ունէին վերջնական լուծում տալու իրենց առաջդրութեան հարցերին , քանի որ նրանք , համարեա ամբողջ կազմով (պարագլուխներ եւ շարքայիններ) , կենարոնացած էին Թիֆլիսում : Այլ էր , կրկնում եմ , մեր գրութիւնը : 1918 թւի ամառը Թիֆլիսում դաշնակցութիւն էր հայ էսէռների մի խումբ , որ կարւած էր թէ Բագւի եւ թէ մանաւանդ Երեւանի կուսակցական կազմակերպութիւններից : Այդ խմբի անդամները , իրենց տեսակարար կշիռով , ոչնչով բարձր չէին Երեւանի մեր ընկերներից եւ այդ պատճառով էլ իրենց իրաւունք չէին համարում՝ Թիֆլիս նստած՝ կարգադրել այնպիսի խընդիրներ , որոնք վերաբերում էին Հայաստանին : Նոյն այս պատճառով մենք որոշել էին Թիֆլիսից Երեւան ուղարկել Հայաստանի Խորշը Համար միայն երկու անդամներ , մնացած չորս տեղը վերապահելով Երեւանի մեր ընկերներին : Առանց այս վերջինների կար-

ծիքն իմանալու, մենք, բնական է, չէինք կարող լուծել այնպիսի մի ծանրակշիռ հարց, ինչպիսին էր կառավարութեան մէջ մասնակցելու հարցը:

Դրական պատասխան չտւին Յ. Քաջազնունու առաջարկին նաեւ հայ սոցիալ-դեմոկրատները: Ճիշտ է նրանք յայտնեցին, որ պատրաստ են մտնելու քոալիսիոն կառավարութեան մէջ, սակայն, դրին այնպիսի չափազանցւած պահանջներ, որ փաստօրէն նրանց պատասխանը դիտուեց որպէս մերժում:

Այսպիսով, հակառակ վրացիների եւ ազրբէջանցիների տւած օրինակներին, հայ կուսակցութիւնները չկարողացան համաձայնութեան գալ միմեանց հետ քոալիսիոն կառավարութիւն կազմելու մասին: Ո՞վ էր մեղաւորը: Այս դէպքը պատմութեան է անցել այնպէս, որ Դաշնակցութիւնը ցանկացել է կազմել քոալիսիոն կառավարութիւն, սակայն, միւս կուսակցութիւնները չեն համաձայնել դրան: Զժամելով այդ կուսակցութիւնների պատասխանատութիւնը քոալիսիոնի ձախողման խնդրում, ես կարծում եմ, որ յանցանքի մի մասն էլ ընկնում է Դաշնակցութեան վրա: Այդ կուսակցութիւնը շատ իւրայատուկ ըմբոնում ունէր քոալիսիոնի մասին, որի մէկ փայլուն օրինակն է «Թիֆլիսում ապրող դաշնակցական ընկերների» յունիս 12ի ընդհանուր ժողովի ընդունած բանաձեւը: Սկսելով այն մատնանշումից, որ «Դաշնակցութիւնը ստացել է քւէների մեծամասնութիւնը թէ գիւղացիական համագումարում, թէ քաղաքային դումաներում եւ թէ Սահմանադիր ժողովում», այդ բանաձեւը շարունակութեան մէջ յայտարարում է, որ «միւս կողմից Դաշնակցութեան վարած քաղաքականութիւնն է ՄԻԱՅՆ, որ կարող է համապատասխանել հայութեան շահերին, եւ երրորդ կողմից, ի նկատի առնելով ներկայ ամենապատասխանատու բոպէն, երր կազմակերպում է անկախ Հայաստանի պետականութիւնը, Հ. Յ. Դաշնակցութիւնն է ՄԻԱԿ իրավու կուսակցութիւնը, որ պիտի դեկալարի հայ կեանքը եւ առաջիկայում (ընդգծումները իմն են՝ Ա. Խ.), մինչեւ հայկական Սահմանադիր ժողովի ընտրութիւնները, երր հայ ժողովուրդը կը դայ իր քէով լիազօրելու այս կամ այն կուսակցութեան զեկավար հանդիսանալ հետագայի նկատմամբ»:

Այսպիսի մտայնութիւն ունեցող կուսակցութիւնը, ի հարկէ, չէր կարող որեւէ ձեւով քոալիսիոն դուծունէութեան հետ հաշտել, եւ մենք տեսնում ենք, որ, իսկապէս, միջկուսակցական կառավարութիւն կազմելու բոլոր ճիզերը անցան ապարդիւն, և Ազգ. Խորհուրդը իր յունիս 30ի նիստում, վերաքննելով կառավարութիւն կազմելու հարցը, ձայների մեծամասնութեամբ (էսէսները եւ էսդեկները

ձեռնպահ մնացին) որոշեց յանձնել Յ. Քաջազնունուն կազմել կառավարութիւն պերսոնալ սկզբունքով, ինչ որ եւ կատարեց այնուհետեւ :

Ես պէտք է այստեղ աւելացնեմ, որ որքան էլ անհաճոյ թւայ քուալիսիսնի ձախողումը կառավարութիւն կազմելու գործում, չպէտք է, սակայն, չափազանցել դրա բացասական նշանակութիւնը : Խնդիրն այն է, որ Հանրապետութեան սկզբնական շրջանում երկիրը փաստորէն կառավարւեց Հայաստանի Խորհրդի միջոցով, որ իւրացրեց ոչ միայն օրէնսդրական, այլ նաև վարչական ու նոյն իսկ դատաստանական (ներման իրաւունք) Փունկցիաներ (իրաւասութիւններ) : Իսկ այդ Խորհրդի մէջ, ինչպէս ասեց վերը, ներկայացւած էին հայ բոլոր կուսակցութիւնները*) :

Յուլիս 16ին Ազգ. Խորհրդի ու կառավարութեան անդամները պիտի մեկնէին Երեւան**) : Այդ առիթով կուսակցութիւնները վերջնականապէս ճշտեցին, թէ ովքեր են լինելու Երեւան փոխադրուող իրենց ներկայացուցիչները : Հակառակ նախնական որոշման, վերջին պահին պարզեց, որ մեր կուսակցութեան կողմից Երեւան պիտի դնամ միայն ես : Աւելորդ է ասել, որ իմ ընտրութիւնը կատարեց հայ ընկերների ժողովը : Բայց համաձայն Ազգ. Խորհրդում ընդունած որոշման, կուսակցական ներկայացուցիչների լիազօրադրերը պիտի տրւէին նրանց կենտրոնական մարմինների կողմից : Յուլիս 15ին ես իմ լիազօրագիրս ներկայացրի մեր Շրջանային Կոմիտէի նախագահ Բերեօպովին ի ստորագրութիւն :

« Ընկեր Ա. Խոնդկարեանը նշանակուում է Հայաստանի Պետական Խորհրդի***) անդամ» , —կարդաց նա և ժամանակակից զարմանքով նայեց ինձ : Պետական Խորհուրդ էր կոչում ցարական Ռուսաստանում ամենայետաշխիմական բարձրագոյն հաստատութիւններից մէկը, որը պայմենացնելու փորձ է արել մեր կուսակցութիւնը իր ժամանակին : Եւ ահա այսօր այդ նոյն կուսակցութեան անդամներից մէկը լիազօրում է միւսին դառնալ «Պետական Խորհրդի անդամ» : Թէեւ ներկայ դէպքում հարցը վերաբերում էր Հայաստանին, բայց հին յեղափոխականը դժւարութեամբ էր թօթափում իրենից այն տպաւրութիւնը, որ ժառանգութիւն էր մնացել անցեալ շրջանից :

Փարիզ

*) Սկզբնական շրջանում կար նոյն իսկ մէկ բոլշեվիկ անդամ :

**) Փաստորէն մեկնեցին յուլիս 17ին :

***) Սկզբում որոշած էր այդպէս կոչել Հայաստանի օրէնսդրական մարմինը, բայց յետոյ նա անւանեց Հայաստանի Խորհուրդ :